



Republika e Kosovës

Republika Kosova/Republic of Kosovo

Akademia e Drejtësisë/Akademija Pravde/Academy of Justice

Këshilli Drejtues i Akademisë së Drejtësisë,

Në mbështetje të nenit 10, paragrafi 1, nënparagrafi 1.1 të Ligjit Nr. 05/L-095 për Akademinë e Drejtësisë, si dhe nenit 6, paragrafi 3 të Ligjit Nr. 08/L-294 për ndryshimin dhe plotësimin e Ligjit Nr. 08/L-197 për Zyrtarët Publikë, në mbledhjen e mbajtur më datë _____ 2026, miraton:

RREGULLORE (AD) NR. __/2026 PËR PËRDORIMIN E TELEFONISË FIKSE DHE MOBILE NË AKADEMINË E DREJTËSISË

Neni 1 Qëllimi

Kjo rregullore ka për qëllim përcaktimin e procedurave për përdorimin e telefonisë fikse dhe mobile në Akademinë e Drejtësisë, duke përfshirë edhe përcaktimin e shumës së lejuar të shpenzimeve për përdorimin e telefonisë fikse dhe mobile, me qëllim të kryerjes efektive të punëve dhe detyrave zyrtare në kuadër të përgjegjësisë të zyrtarëve të Akademisë.

Neni 2 E drejta për telefonin postpaid

Të drejtë për përdorim të telefonit postpaid ka Drejtori Ekzekutiv i Akademisë, në vlerë deri në 50 € në muaj.

Neni 3 E drejta për mbushje të telefonit mobil

1. Të drejtë për mbushje mujore të telefonit mobil në Akademi kanë:

1.1. Drejtori Ekzekutiv – 50 € mujore

1.2. Drejtori i Departamentit – 20 € mujore

1.3. Udhëheqësi i Divizionit – 20 €mujore

1.4. Zyrtarët e Akademisë – 10 €mujore

Neni 4 **E drejta për telefonin fiks**

1. Të drejtë për qasje në telefon fiks kanë zyrtarët e përcaktuar në nenet 2 dhe 3 të kësaj rregulloreje, si dhe çdo zyrtar tjetër i Akademisë, si vijon:

1.1. Drejtori Ekzekutiv – 30 €mujore

1.2. Drejtori i Departamentit – 20 €mujore

1.3. Udhëheqësi i Divizionit – 15 €mujore

1.4. Të gjithë zyrtarët e tjerë – deri në 10 €mujore

Neni 5 **E drejta për pajisje me SIM karte**

Të drejtë për pajisje me SIM karte ka Drejtori Ekzekutiv i Akademisë.

Neni 6 **Procedura e pajisjes me telefona**

1. Çdo zyrtar i Akademisë, për t'u pajisur me telefon fiks, duhet fillimisht të plotësojë formularin "Kërkesa për telefon" (Shtojca 1), i cili nënshkruhet nga mbikëqyrësi i tij i drejtpërdrejtë dhe miratohet nga Drejtori Ekzekutiv i Akademisë.

2. Shtojca 1 i bashkëngjitet kësaj rregulloreje dhe konsiderohet pjesë përbërëse e saj.

Neni 7 **Instalimi dhe mirëmbajtja**

1. Përgjegjësia për instalimin dhe konfigurimin fillestar të rrjetit telefonik fiks në Akademinë e Drejtësisë i takon Agjencisë për Shoqërinë e Informacionit (ASHI).

2. Divizioni për Teknologji Informative i Akademisë është përgjegjës për mirëmbajtjen, monitorimin dhe funksionimin e rregullt të rrjetit telefonik fiks, pas instalimit nga ASHI.

3. Në rast të ndonjë defekti në rrjetin telefonik fiks, zyrtari përgjegjës i Divizionit për Teknologji Informative është i obliguar ta njoftojë ASHI-në.

Neni 8 **Shpenzimet shtesë për nga natyra dhe lloji i punës**

1. Për shpenzimet që, për nga natyra dhe lloji i punës, kalojnë shumën mujore të përcaktuar me këtë rregullore, kërkohet miratimi paraprak i Drejtorit Ekzekutiv të Akademisë.
2. Kërkesa për miratim për tejkallim të shpenzimeve të telefonisë fikse duhet të përcillet me arsyetim që dëshmon lidhshmërinë e pozitës së punës me nevojën për këto shpenzime.

Neni 9 **Përgjegjësia për shfrytëzimin e telefonit**

1. Telefoni zyrtar i Akademisë përdoret vetëm për kryerjen e detyrave zyrtare dhe përdoruesi i tij është i detyruar ta shfrytëzojë me përgjegjësi.
2. Telefoni zyrtar nuk mund të përdoret për biseda private.
3. Të gjitha shpenzimet që tejkalojnë shumën e përcaktuar me këtë rregullore do të mbulohen nga zyrtari që ka tejkalluar shumën e lejuar.
4. Përdoruesit e telefonisë fikse, gjatë bisedave brenda Akademisë dhe me institucionet tjera publike në Kosovë, janë të obliguar të përdorin numrat centrex.

Neni 10 **Akumulimi I shpenzimeve te telefonit**

Shpenzimet e telefonisë nuk mund të akumulohen. Vlera e shpenzimeve mujore mbyllet në ditën e fundit të çdo muaji.

Neni 11 **Planifikimi i shpenzimeve të telefonit**

Akademia e Drejtësisë duhet t'i planifikojë dhe aprovojë shpenzimet e telefonisë në buxhetin vjetor fiskal të organizatës buxhetore.

Neni 12
Hyrja në fuqi

Kjo rregullore hyn në fuqi në ditën e nënshkrimit.

Fejzullah Rexhepi

Kryesues i Këshillit Drejtues
Akademia e Drejtësisë